

জিপিএ ৫ পেয়েছে ৫৭৪ জন
বরিশাল বোর্ডে পাসের
হারে রেকর্ড : হার
৬৭.২০ শতাংশ
এবারো শীর্ষে বরিশাল ক্যাডেট কলেজ
বরিশাল ক্যুরো

প্রতিষ্ঠার পর বরিশাল শিক্ষা বোর্ডে এবারের উচ্চ মাধ্যমিক পরীক্ষায় পাসের হারে রেকর্ড গড়েছে। এ বছর বোর্ড থেকে পরীক্ষা দেয়া ২৯ হাজার ৭২০ জন পরীক্ষার্থীর মধ্যে পাস করেছে ১৯ হাজার ৯৭২ জন। পাসের হার ৬৭.২০%। তবে পাসের হার বাড়লেও এ বোর্ডে জিপিএ-৫ প্রাপ্তির সংখ্যা বাড়েনি। বরং গত বছরের চেয়ে জিপিএ-৫-এর সংখ্যা হ্রাস পেয়েছে ২৩টি। গতকাল ফলাফল ঘোষণার পরপরই বরিশাল মহানগরীসহ সমগ্র দক্ষিণাঞ্চলের বিভিন্ন কলেজগুলোতে উত্তীর্ণ শিক্ষার্থীরা

বরিশাল বোর্ডে পাসের

১৬-এর পূর্বের পর
উল্লাসে ফেটে পড়ে। বিশেষ করে বরিশাল অমৃতলাল দে মহাবিদ্যালয়, সরকারী মহিলা কলেজ ও বরিশাল মডেল স্কুল ও কলেজের পরীক্ষার্থীদের উল্লাস ছিল চোখে পড়ার মত। মিষ্টির দোকানগুলোতে হুমড়ি খেয়ে পড়ে উৎফুল্ল অভিজাবকরা। বেলা ৩টার মধ্যে বরিশাল মহানগরীর প্রায় সব মিষ্টির দোকানে বেচাকেনা শেষ হয়ে যায়।

বরিশাল শিক্ষা বোর্ড থেকে চলতি বছর ৩০ হাজার ২০৩ জন পরীক্ষার্থীর মধ্যে অংশগ্রহণকারী ২৯ হাজার ৭২০ ছাত্র-ছাত্রীর মধ্যে পাস করেছে ১৯ হাজার ৯৭২ জন। পাসের হার ৬৭.২০%। গত বছর এ সংখ্যা ছিল ৬৫%। জিপিএ-৫ পেয়েছে ৫৭৪ জন। গত বছর এ সংখ্যা ছিল ৫৯৭। বিজ্ঞান বিভাগে ৩ হাজার ৫১৯ জন পরীক্ষা দিয়ে পাস করেছে ২ হাজার ৩২০ জন। পাসের হার ৬৫.৯৩%। মানবিকে ১৭ হাজার ২৮৬ পরীক্ষার্থীর মধ্যে পাস করেছে ১০ হাজার ৬৭৩ জন। পাসের হার ৬১.৭৪% এবং ব্যবসায় শিক্ষায় ৮ হাজার ৯১৫ জন পরীক্ষার্থীর মধ্যে পাস করেছে ৬ হাজার ৯৭৯। পাসের হার ৬৭.২০%।

সেরা ১০ কলেজ
জিপিএ-৫ পাওয়া ও পাসের হারে বরিশাল শিক্ষা বোর্ডে প্রথম স্থানটি নিয়ে এবারও কোন নতুন চমক নেই। বরাবরের মত এবারও এ জায়গাটি দখলে রেখেছে বরিশাল ক্যাডেট কলেজ। এবার বরিশাল ক্যাডেট কলেজ থেকে ৪৮ পরীক্ষার্থীর সকলেই পাস করেছে। আর এর মধ্যে ৪৭ ছাত্রই জিপিএ-৫ পেয়ে উত্তীর্ণ হয়েছে।

তবে এর পরের স্থানগুলোতে পিরোজপুর জেলার কলেজগুলোর সাফল্য চোখে পড়ার মত। ২য়, ৩য়, ৬ষ্ঠ এবং ৮ম স্থান দখল করে এ জেলার কলেজগুলো। অনন্য সাফল্য দেখিয়েছে। ২য় স্থানে পিরোজপুরের মঠবাড়িয়া মহিলা বিদ্যালয়, পাসের হার ৯৫.৫ দশমিক ১২, ৩য় স্থানে একই জেলার শহীদ জননী মহিলা মহাবিদ্যালয়ের (৯৩.১০%)। ৪র্থ স্থানে বরগনার বামনা উপজেলার বেগম ফয়সুননেছা মহিলা কলেজের (৯৩.১০%), ৫ম স্থানে বরিশাল মডেল স্কুল এন্ড কলেজের (৯২.৯২%), ৬ষ্ঠ স্থান পিরোজপুরের জিয়ানগর কলেজ (৯২.৬৩%), বরিশালের অমৃতলাল দে কলেজ আছে ৭ম স্থানে (৯২.৩২%), ৮ম স্থানে পিরোজপুরের নাজিরপুর উপজেলার নাজিরপুর শহীদ জিয়া কলেজ (৯১.১৯%), ৯ম স্থানে পটুয়াখালীর কলাপাড়া উপজেলার মুক্তিযোদ্ধা মেমোরিয়াল কলেজ (৯১.১১%) এবং ১০ম স্থানটি পেয়েছে বরিশালের বাবুগঞ্জের আগরপুর কলেজ (৯০%)।

জিপিএ প্রাপ্তিতে সেরা ১০
বরিশাল শিক্ষা বোর্ডে জিপিএ-৫ বা এ+ এর দিক দিয়ে বরিশাল শিক্ষা বোর্ডে এবারও প্রথম স্থান দখল করেছে অমৃতলাল দে মহাবিদ্যালয়। এ কলেজ থেকে জিপিএ-৫ পেয়েছে ১৩৩টি। ৭৪ ছাত্রী জিপিএ-৫ পেয়ে ২য় স্থানে রয়েছে বরিশাল সরকারী মহিলা কলেজ। বরিশাল ক্যাডেট কলেজে ৩৯ ছাত্র জিপিএ-৫ পেয়ে প্রথম জলিকায় ৩য় স্থান দখল করেছে। ৪র্থ স্থানে বরিশাল সরকারী সৈয়দ হাতেম আলী কলেজ; এ কলেজের ৩৫ ছাত্র-ছাত্রী প্রথম প্রেড স্থান লাভ করেছে। ২০০৬নালে প্রতিষ্ঠার পরে প্রথমবারের মত কোন পাবলিক পরীক্ষায় অংশ নিয়ে বরিশাল মডেল স্কুল এন্ড কলেজ জিপিএ-৫ প্রাপ্তিতে ৫ম স্থানে রয়েছে। ৬ষ্ঠ শহীদ স্মৃতি কলেজ, পিরোজপুর ১৮টি। ১৩টি করে জিপিএ-৫ পেয়ে বৌখতাবে ৭ম স্থানে রয়েছে পটুয়াখালীর গলাচিপা ডিগ্রি কলেজ ও বরগনা সরকারী কলেজ, ৯টি করে জিপিএ-৫ পেয়ে যৌথভাবে পিরোজপুরের বরপুকুর সরকারী কলেজ, ও ডোয়ার চরফ্যাশন কলেজ ৮ম স্থানে রয়েছে। ৯ম স্থান যৌথভাবে পটুয়াখালী সরকারী মহিলা কলেজ ও সরকারী সোহরাওয়ার্দী কলেজ পিরোজপুর (৮টি করে)। ১৩টি কলেজ, ৬টি করে জিপিএ-৫ পেয়ে ১৩ম, স্থান অধিকার করেছে পিরোজপুর ৩টি-হয়েছে বরিশালের বিজ্ঞান কলেজ, ডোয়ার নাসিরউদ্দিন রহমান কলেজ এবং সরকারী মহিলা কলেজ।